

世界書局印行



景印
摘藻堂

四庫全書卷要

集部
第四二冊
刊集類

世界書局印行

景
藻
堂
印

四庫全書薈要

集
第
四
別
集
類
冊
部

本冊目次

書名及撰人
劍南詩稿八十五卷 宋陸游撰
放翁逸稿二卷 宋陸游撰

卷次
卷四十至卷八十五
卷上至卷下

頁次
三九〇—一
三九〇—五七一

欽定四庫全書薈要

集部

劍南詩彙卷四十一

欽定四庫全書薈要卷一萬五千五百三十

集部

劍南詩彙卷四十

宋 陸游 撰

夜雨

瀟瀟如潑墨急雨如飛鏃激電光入牖奔雷勢掀屋漏
涇恐敗書起視自秉燭移牀顧未暇盆盎苦不足不如
卷茵席少忍待其復飛螢方得意熠熠相追逐姑惡獨
何怨菰叢聲若哭吾歌亦已悲老死終碌碌

欽定四庫全書

劍南詩彙
卷四十

昔人有畫醉僧醉道士醉學究者皆見于傳記及
歌詩中予暇日為各賦一首

醉僧

殘雪覆枯顱手扶短櫛栗送酒無蘇州一醉未易得青
旗獵獵秋風吹長瓶一吸亦足奇但辦道傍常醉倒不
須解作藏真草

醉道士

落托在人間經旬不火食醉後上江樓橫吹蒼玉笛大

詳校官助教臣謝登雋

口如盆眼如電九十老人從小見曾攜一鶴過岳陽滿
城三日間酒香

醉學究

聖師飲百觚儼然常齋莊弟子習禮餘兒觥躋公堂至
今遺風被洙泗諸生雅歌老儒醉衣冠簡朴未可輕安
知中無魯二生

次季長韻回寄

野人蓬戶冷如霜問訊今惟一季長舊好自均親骨肉

欽定四庫全書

切南詩集
卷四十

三

新知何怪薄心腸開書字字論疇昔遣使年年有故常
萬念知公掃除盡見哀底事獨難忘

溪上小酌

岸幘出籬門投竿俯溪瀨魚聚忽千百鳥鳴時一再新
涼杜窻香亦有雉免賣歡言洗杯酌又破止酒戒

齋中夜賦

高居終日掩齋扉幽事常多俗事稀露重叢篁時自濕
風高脫葉有先飛秋衣漸製聞砧杵社肉初分謝歲薇

却笑老身閑不得一燈明滅亂書圍

讀舊稿有感

我少則嗜書于道本無得譬如昌歆艾乃自性一癖老
來百事廢惟此尚自力豈惟絕慶弔乃至忘寢食吟哦
雜誦咏不覺日既夕文辭顧淺懦望古空太息世俗不
可解更為著金石收歛固已遲雖悔終何益君看老農
夫法亦傳后稷持此少自寬陶然送餘日

新秋

欽定四庫全書

切南詩集
卷四十

三

秋氣入清笳旗亭酒可賒長歌穿小市短帽挿幽花溪
女留新蟹園公餉晚瓜誰知閑老子解作醉生涯

陳阜卿先生為兩浙轉運司考試官時泰丞相孫

以右文殿脩撰來就試直欲首送阜卿得予文卷

擢置第一秦氏大怒予明年既顯黜先生亦幾蹈

危機偶秦公薨遂已予晚歲料理故書得先生手

帖追感平昔作長句以識其事不知哀涕之集也

冀非當年浩莫分斯人一顧每空群國家科第與風漢

天下英雄惟使君後進何人知大老橫流無地寄斯文
自憐衰鈍辜直賞猶竊虛名海內聞

書喜

乞得身歸鏡水濱此生真作葛天民眼明身健何妨老
飯白茶甘不覺貧瓦酒又第三斗熟園花時報一枝新
挂冠更作黃冠計多事常嫌賀季真

又

已向煙霞著脚深世間萬事不關心舊攜鴉背供鉏藥

欽定四庫全書

劉南詩集
卷四十一

四

新典魚須用買琴井上引藤初滿架池南移竹漸成陰
話行不必須今日五百年間有賞音

幽居

萬家水竹古山陰揀得幽居愜素心梁燕委巢知社近
井桐飄葉覺秋深琴緣廢久塵常積書為開稀蠹漸侵
幸自杜門無一事不須清夜感衣砧

雜興

病養精神過服藥貧知儉約勝營生臯夔事業今何有

且與心君致太平

又

東家飯牛月未落西家打稻雞初鳴老翁高枕葛幪裏
炊飯熟時猶鼾聲

又

算年常苦睡為崇好事新分安樂茶更得小瓢吾事足
山家風味似僧家

曾召南提幹近
送安樂茶來

又

欽定四庫全書

劉南詩集
卷四十一

五

蛟鱷垂涎歷畏塗如今歡喜去攜鋤一生患難休回首
正似元符曾上書

贈鷺

雪衣飛去莫匆匆小住灘前伴釣蓬禹廟蘭亭三十里
相逢多在暮煙中

贈鵲

為梁星渚自何年毛羽摧傷不怨天知我齋餘常施食
翩然飛下北窗前

東堂睡起

置身事外息吾黥獨臥空堂一榻橫簷影漸移知日轉
樹稍微動覺風生每從山寺開經帙間就園公辨藥名
若論胸中淡無事八珍何得望藜羹

五鼓起坐待旦

睡覺初聞雞一鳴披衣危坐待窗明殘軀已向閑中老
癡夢猶尋熟處行南北迢迢悲往事古今莽莽歎浮生
伯倫一鍾君休笑冢象祁連亦已平

欽定四庫全書

初南詩集
卷四十一

六

功名

少年妄意慕功名老眼看來一髮輕金甲雖如朝邑尉
羊裘終媿富春生連娟落月依山盡寂寞寒潮蘸岸平
要識放翁新得意蓼花多處釣舟橫

搔首

玩畫無餘易聞歌已盡詩古人不可作此理孰能推白
髮秋風裏青燈夜雨時初心竟當負搔首歎吾衰

小雨釣歸

雨點鳴叢葦雲頭冒遠山兒曹出籬望老子榜舟還潤
入園畦裏涼生窗戶間秋陽方可畏徙倚一開顏

曉賦

八月江湖風露秋時聞脫葉下梧楸離離斗柄西南指
爛爛天河今古流人語正謹過古埭

湖桑埭五鼓聞
挽船聲甚急

角

聲三弄下譙樓百城已共豐年樂一老猶懷卒歲憂

急雨

父老謂雲逆風則
必雨驗之信然

雲從西南興風自東北至老農占雨候速若屈伸臂亂

欽定四庫全書

初南詩集
卷四十一

七

點俄打窗新涼已生袂經旬苦肺渴得此亦少慰呼兒
持故襦買酒具一醉薄言煮園蔬堆兔未可議

遣興

幾看人間歲月新釣船猶繫鏡湖濱曾穿高帝朝元仗
却作山陰版籍民留病三分嫌太健忍飢半日未全貧
早知畫繡能為崇翁子終身合負薪

又

湖海元為汗漫遊誤恩四領幔亭秋掃空薄祿始無媿

閉上衡門那得愁湯嫩雪濤翻茗椀火溫香縷上衣篝
牀頭亦有閑書卷信手拈來倦即休

又

掃盡衣塵喜不勝村居終日醉騰騰閑投鄰父祈神社
戲入群兒鬪草朋幽徑有風偏愛竹虛堂無暑不憎蠅
悠然又見江天晚隔浦人家已上燈

又

久矣微官絆此身柴車歸老亦逢辰阮咸臥摘孤風在
白墮閑傾一笑新萬里馳驅曾遠戍六朝涵養忝遺民
清閒即是桃源境常笑淵明欲問津

讀林逋魏野二處士詩

君復仲先真隱淪筆端亦自幹千鈞閑中一句終難道
何況市朝名利人

紙墨皆漸竭戲作

官庫誰能餉陟釐漢宮無復賜脩廩不如掃盡書生事
閑伴兒童竹馬嬉

讀隱逸傳

終南處士入都門少室山人補諫垣畢竟只供千載笑
石封三品鶴乘軒

泛舟至東村

野水如天遠漁舟似葉輕颼颼風漸冷淡淡月初生沙
際樵蘇路籬間語笑聲還家已薄暮燈火照柴荆

自詒

健忘間何害貪眠老正宜本心惟泥酒餘習略存詩未

廢春農業猶堪幼學師微官何所戀請老五年遲

野興

荷鋤通非澗腰斧上東峯秋水清見底曉雲深幾重
蓼傳社鼓渺渺度樓鐘歸覓村橋路詩情抵酒濃

讀書

平生愛客如愛書力雖不逮意有餘門前車馬久掃迹
老病又與黃卷疎人情冷暖可無問手不觸書吾自恨
今年入秋風雨頻燈火得凉初可近年過七十眼尚明

天公成就老書生舊業雖衰猶不墜夜窗父子讀書聲

客有見過者既去喟然有作

鬚毛俱白盡事不補秋毫去死今無幾歸耕何足高已如陶止酒徒勸屈鋪糟惟有滄溟去揚帆觀雪濤

又

永日安耕釣餘年迫耄期研朱點周易飲酒和陶詩帶箭歸飛鶴堵牀不瞑龜此生君看取死是出門時

秋陰

欽定四庫全書

劍南詩集
卷四十

十

淡日披朝霧輕雲結暮陰菰蒲溪路暗松竹草堂深妙墨雙鉤帖奇聲百衲琴古人端未遠一笑會吾心

八月九日晚賦

薄晚悠然下草堂綸巾鶴氅弄秋光風經樹杪聲初緊月入門扉影正方一世不知誰後死四時可愛是新涼從今覓醉其當勉酒似鵝兒破殼黃

燕坐

赫日曛曛湧海門黃流混混汜河源功成一日書仙籍

鍊骨成金不足言

村飲

不來東舍即西家野老逢迎一笑譁試說暮年如意事細傾村釀聽私蛙

又

無念無營飽即嬉老翁真箇似嬰兒昏鐘未動先酣枕日上三竿是起時

又

欽定四庫全書

劍南詩集
卷四十

十一

買來新兔不論錢釣得鮮鱗細柳穿野店渾頭更醇醪一杯放手已醺然

又

淡煙孤榜繫村橋疊疊沙痕印落潮最是一年秋好處踏泥沽酒不辭遙

秋雨益涼寫興

秋氣蕭蕭暑已歸晚雲更送雨霏微牀收珍簟敷菅席筍疊纖絺換熟衣遙醉縱橫馳筆陣乘閒談笑解棋圍

出門未免流年嘆又見湖邊木葉飛

薪米偶不繼戲書

仕官不諧農失業敗屋蕭蕭書數篋
蓼莪不糝未足嗟
鑿窻無薪掃枯葉丈夫窮空自其分
餓死吾肩未嘗脅
世間大有乞墻人放翁笑汝驕妻妾

牧牛兒

溪深不須憂吳牛自能浮童兒踏牛背
安穩如乘舟
寒雨山陂遠參差煙樹晚聞笛翁出迎
兒歸牛入圈

欽定四庫全書

劍南詩集
卷四十

十三

與兒子至東村遇父老共語因作小詩

桑竹穿村巷衡茅隔土垣海氛成物象
秋氣肅川原
豆芋行將熟雞豚亦已繁豐凶歲所有
農事更深論

微雨午寢夢憇道傍驛舍若在秦蜀間
慨然有賦
吳中秋晚雨冥冥自笑閒愁又兩簷
身世已歸南北陌
夢魂猶寄短長亭濁醪可釀樽餘綠
明鏡無情鬢失青
賴有釣船堪送老一燈鷗鷺共忘形

晨起對鏡

雙鬢成絲高頰顴曉窗臨鏡意茫然
朱顏豈是一朝去
暗鏢潛消五十年

村思

揣分新辭祿扶衰又度秋已將窮博健
更賴學忘憂
船護煙陂鴨欄歸草徑牛作勞何以
慰茅店問新筍

秋夜

倦叟投牀早昏燈落燼頻鵲翻驚缺
月犬吠逐行人
未喪詩書業猶存老病身菊花行可
醉作意挿烏巾

欽定四庫全書

劍南詩集
卷四十

十三

醉中書懷

既老心愈空新涼體差健登山每嗔扶
對按亦強飯
平生百事嬾惟酒不待勸迨此桑落時
一醉適我願
羸然雲水身本非朱紫檀少猶恥枉尺
老敢欺方寸但令死
瞑目餘事何足論不見鹿門翁全家
事潛遜

次韻鄭盱眙見寄并簡其甥劉君

衣上空嗟京洛塵故交半作白頭新
衆中初得見吾子
東觀已疑無若人仗馬極知非久斥
沙鷗要是孰能馴

兩章英妙同時到趙壹囊中却未貧

書齋壁

平生憂患苦縈纏菱刺磨成茨實園

俗謂因折多者謂菱角磨作雞頭

天下不知誰竟是古來惟有醉差賢過堂未誤鐘將響
睨柱寧知壁偶全自笑為農行沒世尚如驚雁落空弦

一老

太平一老醉騰騰南陌東阡喜不勝民力農桑家自足
士崇名節道方興騎鯨仙去時猶遠射虎歸來氣頗增

欽定四庫全書

切南詩案
卷四十

十四

莫道幽棲交舊絕月中亦有打門僧

戲用方外語示客

紅粟青錢一掃空灑籬行賣學龐翁身居本地風光裏
愁擲他方世界中剩欲劇談明不二誰能太息賞無同
踞牀一喝君聞否三日猶應覺耳聾

秋晚

西山破曉兩眉青南浦無風一鏡平食盡不容添鶴口
身閒且免負鷗盟霜前草樹已無色雨到菰蒲先有聲

只怪勝遊頻入夢今朝蜀客話青城

故人范中立巨山自青城來見訪

又

辭祿始知貧有味杜門不覺老相催寒鴉已占雁前到
黃菊猶須霜後開團扇塵埃高挂壁短檠書史亂成堆
羸軀自笑癡頑甚撐拄新寒又一回

又

世事無窮似奕棋不如常采故山芝蕭蕭雞犬三家聚
莽莽風煙十里陂幸有濁醪從客醉常憂黜鬼笑人癡
清秋樂處君知否庭下幽花漸可移

欽定四庫全書

切南詩案
卷四十

十五

次金溪宗人伯政見寄韻

道義流聞意已傾豈知晚歲託齊盟六經日月未嘗蝕
千載源流終自明汝水家家書有種吾宗世世士知名
讀君長句還增氣俗耳那聞韶護聲

新寒

碧蝶飛飛過短籬山薑石竹有殘枝誰知老子閒眠處
恰是新寒細雨時

又

安石榴房初小坼南天竺子亦微丹新寒漠漠偏欺老

睡起無風怯倚欄

南燭草本俗謂之南天竺李端
叔取以名僧軒蓋用俗語也

村隣會飲

陸子白首安耕桑樂事遽數烏能詳長羅家家雪作麴
畫楫處處青分袂迎荻船歸潮入浦祈蠶會散月滿廊
有時隣曲苦招喚茅簷掃地羅壺觴堆盤珍膾似河鯉
八鼎大饗勝胡羊披絲黃雀麴糝美斫雪紫蟹椒橙香
老人飽食可無患摩挲酒瓮與飯囊兒孫扶持遞相送
笑語無間歌聲長人間哀樂不可常掠剩有鬼在汝傍
常惠水旱虞螟蝗力行孝悌招豐穰

試筆

烹葵飯豆飽懷休弄筆翻書歲又秋靈府湛然如止水
擬將何地著閒愁

又

紅絲玉斗紫毫鉞歲晚相從味更長不似樂天歸老日

柳枝駱馬兩堪傷

孤村

老寄孤村裏悠然卧曲肱筭貧先放鶴嫌閑併疎僧古
戍高秋笛寒窗半夜燈平生羞詭遇多獲豈吾能
絕祿以來衣食愈不繼小兒力圖之殊未有涯予
謂不若痛節用爾示以此詩

處世吾傷拙營生汝亦疎如謀道邊舍似信枕中書甕
牖居疑黍藜羹食敢餘晏嬰元學墨勿負此心初

欽定四庫全書

劄南詩集
卷四十

十七

予宿疾多已失去獨氣痛時作賦詩自寬

疾久難全去扶持度歲年垣牆完罅隙乙筋禁芳鮮漸
減觀書課常儲買藥錢鄉人多不識誰與問沉綿

秋懷十首末章稍自振起亦古義也

皇天本無心萬物各有時飛鴻何預人南翔每如期仰
看霜露墜俯觀草木衰英華下菊秀色獨滿枝豈無
一尊酒相與斟酌之耄老天所佚行歌復何疑

又

暑退財幾時忽已迫霜露西風一何厲落葉紛滿路老
翁衰可笑日夜念墮戶衣裘先闕懷膏火亦當具酒尤
不可緩傾聽糟牀注供槃柿栗耳何敢議雉兔

又

雨滴大梧葉風轉孤蓬窠秋色固悽愴二物感人多日
月行黃道倏過如飛梭大計百年間貴賤俱銷磨東家
及西舍更代哭與歌若無杯中物如此搖落何

又

欽定四庫全書

劍南詩集
卷四十

十一

身如行脚僧放包即為家家如道邊店蕭然寄天涯居
室如小舟風扉艣謳啞坐傍陳琴書庭下栽雜花儉陋
雖可笑在我則已奢何以善吾生念念思無邪

又

遇酒幸一醉遇飯幸一飽或遇空無時豈復有他巧鄉
鄰哀其窮叩戶謁麋麩欣然出舍傍菰韭青落爪飢羸
曾未起吟諷已稍稍袖手北窗前枯腸困搜攪

又

秋高天薄寒夾衣已出笥團團素紈扇時至自當棄明
年機中練與我亦何異宮妾感物悲此豈丈夫事吾曹
一出門所遇皆有義夷齊死千年高風邈難嗣

又

辟塵當以犀濯纓當以水龜堂一炷香世念去如洗人
生天地間太倉一稊米哀哉不自悟役役以至死孰能
從我遊趺坐燔柏子夜半清磬聲悠然從定起

又

欽定四庫全書

劍南詩集
卷四十

十一

改朔甫再宿月見西南隅纖纖一銀鈎挂空疑有無我
行青楓岸遠水浮雙鳬新寒入短衣感此風霜初頗欲
呼小艇東村行芋區衣薄且言歸煙火望吾廬

又

短蓑榜輕舟時過野僧舍長衫挂數珠亦入法華社平
生無揀擇生死均早夜餘年猶幾何久已付造化常嫌
樂天佞却肯退之罵君看佛骨表自是無生話

又

我昔聞閩中水深土平曠涇渭貫其間沃壤誰與抗桑
麻鬱千里黍稷高一丈潼華臨黃河古出名將相淪陷
七十年北首增慘愴猶期垂老眼一覩天下壯

九月七日子坦子聿俱出斂租穀雞初鳴而行甲
夜始歸勞以此詩

仲秋穀方登螟生忽告飢難冀一飽俯仰事已非貸
糧助耕耘客主更相依一旦忽如此欲語涕屢揮共斂
螟之餘存者牛毛稀吾兒廢書出辛苦幸庶幾夜半聞

欽定四庫全書

劍南詩集
卷四十一

十一

具舟憐汝露漚衣既夕不能食念汝戴星歸手持一杯
酒老意不可違林瘦酒味薄食少雞不肥頗聞吳中熟
多稼徹王畿亦欲就飽處無羽能奮飛官富哀我民榜
笞方甚威渠亦豈得已撫事增獻歎

醉題埭西酒家

陣陣新寒入布裘偶乘小醉得閒遊丹楓落日野橋晚
斷雁涇雲江路秋馬得一鳴何恨斥金經百鍊豈容柔
不知千載塵埃裏更有吾曹強項不

又

桑麻蒙翳不通鄰耽酒頽然一老民遣客方眠那是醉
有衣可典未為貧曬翎斜日鷗來熟印接平沙雁到新
君看此間何境界癡人猶說吐車茵

秋晚

庭草猶殘綠溪楓已半丹誰知此翁健又見一年寒幻
境槐安夢危機竹節灘如今渾過盡摩腹且加餐

省事

省事漸捐書甘貧學菽蔬心安閒夢少病去俗醫疎兀
爾遊方外超然到物初此身猶是幻况復愛吾廬

晨起頗寒飲少酒作草數幅

衣食無多悉自營今年真箇是歸耕屏居大澤群鷺息
乍得清寒百體輕橋北潦收波淺碧埭西霜近葉微顚
一杯弄筆元無法自愛龍蛇入卷聲

往事

海內橫流日吾猶及建炎衆賢雖共視久疾固難砭點

虜方觀釁行宮未解嚴時平逾五紀話此涕常霑

步至東莊

澤國寒雖晚霜天已迫冬麴花雪無降稻米玉新春身

已風中葉人方飯後鐘兒能哀老子努力事春農

秋思

門巷蕭條秋色深黃花始欲慰孤斟久貧自笑不妨樂

過足固知非所欽琴調已忘還漸省詩瞬未穩更長吟

吾兒西上無多日安得相從老故林

時子虞將
調官臨安

欽定四庫全書

鈞南詩集
卷四十

又

日落江城聞擣衣長空杳杳雁南飛桑枝空後醅初熟

豆莢成時免正肥徂歲背人常冉冉老懷感物倍依依

平生許國今何有且擬梁鴻賦五噫

讀退之人不知古今馬牛而襟裾之句有感

書生獨占世間癡過計私憂無已時知盡古今成底事

空將血淚向人垂

病愈看鏡

鏡中稍復舊朱顏一笑衰翁刀爾頑三百瓦壺消未盡

不知更著幾年還

舊傳貧士死見陰吏為言當
還魂有三百瓦壺祿料未盡

讀韓致光詩集

渺莽江湖萬里秋玉峯老子弄孤舟猶勝宿直金鑿夜

凜凜常懷潑醉憂

逆旅書壁

驢鞍懸酒榼僮背負衣囊但說市朝變不知岐路長下

程先施藥拂榻靜焚香明旦又西去河橋秋葉黃

欽定四庫全書

鈞南詩集
卷四十

又

騎驢萬里行歲一過秦城下杜賞春酒新豐聞曉鶯綠

槐新巷陌白骨幾公卿欲覓曲江水連雲禾黍生

初寒老身頗健戲書

一身百病老難支病減身輕偶此時窗暖不妨聊假寐

囊空久已罷招醫山爐曉絕香生油釜研坡陀墨滿池

箇裏生涯君莫厭癡人至死不曾知

又

過雁聲悲落葉稠
孤村景物更禁秋
窮諸客路風塵惡
老判人間歲月遒
酒號賢人真古語
疾為豎子豈吾憂
山房幸有初寒備
且傍篝爐擁褐裘

子龍求煙雨軒詩口占絕句

烏柏迎霜已半丹
哦詩終日合憑欄
霜高木落應尤好
長挂西窗更怕寒

又

規模正似釣魚菴
把酒纔容客二三
若比東偏參倚室

欽定四庫全書

劔南詩集
卷四十一

三四

此中猶自覺眈眈

參倚蓋子聿
書室名也

劔南詩集卷四十

欽定四庫全書
劔南詩集卷四十一
宋 陸游 撰

居室甚隘而藏書頗富率終日不出戶

掩闥小室動經旬
蠹簡如山伴此身
百億須彌藏粒芥
大千經卷寓微塵
危機已過猶驚顧
惡夢初回一欠伸
此段神通君會否
聽風聽雪待新春

又

欽定四庫全書

劔南詩集
卷四十一

椰子微軀有百窮
平生風際轉枯蓬
豈知蟬腹龜腸後
更寄蜂房蠟穴中
學儉久判美不糝
憚煩惟欲寐無聰
積書充棟元無用
聊復吟哦答候蟲

無酒數

不用塞黃河
不用出周鼎
但願酒滿家
日夜醉不醒
不用冠如箕
不用印如斗
但願身強健
朝暮常飲酒
造物不少恕
虐戲逐段新
坐令古銅榼
經月常生塵
平生得酒狂
無敵百幅淋
漓風雨疾
造物欲以醒
困之此老醒

狂君未知

讀書

古人已死書獨存吾曹賴書見古人後之視今猶視古
吾書未泯要有取賈生痛哭漢文時至今讀之有餘悲
魏徵嘻笑封德彝生亦豈責絳灌知窮秋風雨臥孤館
萬世悠悠百年短垂死成功亦未晚安知無人歎微管

醉賦

霜楓照茅屋露菊挿紗巾今古無窮事江湖未死身直

欽定四庫全書

劍南詩案
卷四十一

三

今依馬磨終勝拜車塵我亦輕餘子君當恕醉人

掩扉

久卧空山獨掩扉迂疎不恨世相違新霜巷陌鳥鳥樂
小雨園畦菰芥肥驢病極知當伏櫪鷗閒誰與共忘機
一編蠹簡從吾好又見西窗挂夕暉

六經

六經聖所傳百代尊元龜諄諄布方策一字不汝欺抱
書入家塾自汝兒童時老乃幸不駭愚哉死何悲

又

秦人燔六經非與經為仇方其勇決時亦為子孫謀斂
金鑄巨人豈復畏鉏耰千載惡名在尚與黃河流

舟中作

沙路時晴雨漁舟日往來村村皆畫本處處有詩材炊
黍孤煙晚呼牛一笛哀終身看不厭岸幘興悠哉

秋晚

門巷清如水情懷淡似秋詩吟唐近體談慕晉高流託

欽定四庫全書

劍南詩案
卷四十一

三

命須長鏡浮家只小舟江南煙雨岸何處不堪留

又

木落寺樓出江平沙渚生牛羊下殘照鼓角動高城寒
至衣猶質憂多夢自驚群胡方闢穴河渭幾時清

西窗獨酌

却掃衡門歲月深殘骸況復病交侵平生所學為何事
後世有人知此心水落枯萍黏破塊霜高丹葉照橫林
一樽濁酒西窗下安得無功與共斟